

DISSERTATIO MEDICA,
INAUGURALIS,
DE

HÆMOPTYSI.

QUAM,
ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,
Et nobilissimae FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

JACOBUS FORSTER, A. B. T. C. D.

HIBERNUS,

Reg. Med. Edinens. Societ. Soc.

Phys. Societ. Soc. Hon.

Chemicæ Societ. Soc. Extraord.

Nec non,

Histor. Natural. Societ. Sodal. Soc.

—— Tacitum vivit sub pectore vulnus.

VIRGIL.

Ad diem 24. Junii, hora locoque solitis.

EDINBURGI:

Apud BALFOUR et SMELLIE,

Academiae Typographos.

M,DCC,LXXXVI.

322291



Viro eximio

R I C A R D O G O R E,

A R M I G E R O,

A nobili stirpe

Orto,

Studiorum liberalium fautori

Praeclaro,

Qui verae virtutis splendorem propria condecorat,

Ob vitae integritatem,

Et animi excelsi munificentiam,

Insigni



Digitized by the Internet Archive
in 2020 with funding from
Wellcome Library

Nec non,

Constanti et fideli amico,

SAMUELI FORSTER,

ARMIGERO,

Patri suo optimo,

Qui a prima pueritia teneram aetatem fovebat,

Morum puritate,

Et egregiis praeceptis,

Eandem monstrabat viam,

Qua sibi omnium bonorum laudem

Adeptus est,

Exiguum animi haud ingrati testimonium,

Haec

Lubentissime consecrat

AUCTOR.

DISSERTATIO MEDICA,

INAUGURALIS,

DE

HÆMOPTYSI.

INTER septemdecem species Haemoptysios quas Sauvagesius enumerat, accidentalis et habitualis notari dignae solum evadunt; has enim afferit, tussim et dyspnoeam, gravamen pectoris ac frigus febrile, stipari. Vix operae pretium est verba facere de specie nona vel decima; quamvis enim a tuberculō pulmonum ortum ducunt, vera symptomata, activam haemorrhagiam designantia, desunt; quamobrem definitionem clarissimi Culleni amplector, quippe nulla mihi praestantior videtur.

DEFINITIO.

Genarum rubor ; molestiae aut doloris, et aliquando caloris, in pectore sensus ; dyspnoea ; titillatio faucium ; tussis aut tussicula sanguinem floridum, saepe spumofum, rejiciens.

HISTORIA MORBI.

Haemoptyseos initium signa sequentia plus minusve notabilia comitantur ; dum molestiae angustiaeque sensus pectora infestat, circa praecordia anxietas et nausea sentiuntur, quibus dolor in quadam parte thoracis, tussis nunc levis, jam vero gravis et molesta, cum anhelitu urgent ; vox * saepe rauca stridulanfve evadit, ad quae genarum rubedo, et calor plurimum adauctus, symptomata suboriuntur.

Membra lassitudine ac tergum dolore conflictuntur, simul his capitis gravedo, cibi, praesertim

* Coel. Aurel. vox Hirta.

fertim animalis, nulla appetentia, quin potius fastidium; alvus compressa, cutisque arida, cum horrore corporis universali, premunt; ictus artiarum, cum frequentia insolita, pleniores et fortiores micant; signis tandem ingravescentibus, prurigo asperam titillat arteriam, quam sciretus excipit, et sanguis, undique sollicitatus, rutili floridique coloris ore spumofus, sputum strians, rejicitur, salinum saporem prae se ferens; haemorrhagia paulatim cessante, symptomata pyrexiae remittuntur, omniaque prospere evadunt.

Aliquando vero tam pleno rivo prorumpit sanguis, ut aeger suffocationis summo discrimine versatur, aut, tempora post debita iterato morbo, vires ita prostrantur, ut epilepsia, ulcusve pulmonum immedicabile superveniunt. Ineunte vere sese ostendit, at progrediente aestate evanescit, et signa leniora fiunt. Virilem prae sexu sequiore, vegetos adolescentes prae senectute infirmatis, infestare consuefcit haemoptysis. Temperamento sanguineo praediti, quique ex pubertate ad annum tricesimum quintum vitam peragunt, obnoxii praecipue observantur; quin citius feriusve, ut corpus suum absolvat incrementum, occurrere possit haemoptysis; qui
prava

prava thoracis conformatione insigniter notati, quibusque in phthisin praedispositio est, hunc in morbum opportunitatem clare manifestant.

D I A G N O S I S.

Quamvis alias haemorrhagias inter et haemoptysin signa, quoad diathesin phlogisticam, seminia, et stadium vitae, communia sint, si ad historiam traditam animum accurate advertamus, symptomata propria secernendo, diagnosin haud indubiam facile instituemus.

Quum sanguis e naso praeruperit, capitis dolor et gravedo vehementior, suffusio faciei magis evidens, prurigo, et narium ipsa effusio epistaxin probe designant.

E faucibus sanguinis distillatio, ratione habita ad partem ubi titillatio persentitur, si pyrexia, dyspnoea, aliaeque pulmonum adfectiones, reputantur, satis superque manifesta fit differentia quae morbos intercedit.

In haemoptysi, pleno flumine, grumofus, nigricans, cum ingestis sanguis per os rejicitur;
insuper

insuper nausea, vomitionis frequentis desiderium
urgens, et sensationes dolorificae in regione
ventriculi, sedem adfectionis dilucide monstrant;
denique, saepius haematemesis foeminis quam
viris occurrit. Illis menses suppressae, vitaeque
consuetudo prava inersve, proclivitatem in mor-
bum efficiunt, et diathesis phlogistica hancce
aeque ac haemoptysin pari passu raro comitatur.

CAUSAE REMOTAE et OCCASIO- NALES.

Quaecunque corpore in humano gignunt ple-
thoram, ea haemorrhagiae opportunitatem pre-
bere neminem latet; at pro ratione adfectionis
congenitae, et partium solidarum status cujus-
dam, alias in aliis spectant.

Adolescentes pectoris singulari fabrica, tho-
race coarctato, humeris alatis, quique scapulis
depressis, et cervice praeter solitum porrecto,
efformantur, huncce in morbum aptitudinem
produnt. Tubercula et vomicae in culpa ab auc-
toribus recensentur; itaque Hoffmannus egre-
gius fatur, cujus verba sunt: ‘Viscus pulmo-
num

‘ num non amplius est integrum, sed vel vomiti-
 ‘ cis resolutionem eludentibus obsidetur, vel vasa
 ‘ polyposas concretiones recondunt, vel etiam
 ‘ varices vel potius aneurismata, in canalibus
 ‘ praesto sunt, quibus crebra et profusissima san-
 ‘ guinis sit effusio, tandem funesta; dein, addit,
 ‘ has enim plerumque in haemoptycis fuisse
 ‘ mortis causas, edocet cadaverum sectio,’ &c.
Hoff. tom. I. pag. 204.

Acumine ingenii praecocis insignes, oculorum splendore nitido, cutis pellucida * exilitate et candida tenuitate, genarum insolita venustate, ac roseo amoeno colore erubescences, haemoptysi obnoxii inveniuntur.

Haemorrhagiae solitae suppressae, ut haemorrhoidum, epistaxis, mensiumve eruptio, et omnes evacuationes, siue natura constitutae, siue arte incitatae; huc spectant fonticuli, sanguinis missiones frequenter celebratae, sed tandem neglectae, plethoram inferendo, haemoptysi opportunitatem edunt.

Obstructiones lienis, hepatis, vel aliorum viscerum, inaequalem distributionem pariunt, impetumque sanguinis aliter augescunt, quae omnia in pulmonibus malos ostendunt effectus;
 aequi-

* Boerhaav. Aphor. 1198.

aequilibrium enim fluidorum commutato, illud organum, ob fabricam naturalem adaccumulationi aptam, maxime afficitur.

Cibus animalis plus aequo ingestus, potationes liquoris spirituosi, utpote copiam humorum circuitumque sanguinis plurimum augescentes, inter causas occasionales jure enumerantur.

Calor externus, quantum potestate valet calor stimulant, solidarum partium visque vitalis actionem percitando, omnes fere animadvertere; ast ea corporis humani natura est, quod mutationes magnas, easdemque subito illatas, salva valetudine, subire recusat; hinc facile conspiciuntur noxae metuendae, quum aliquis nimis calefactus in temperiem frigidam extemplo transeat. Igitur ratio ad corporis conditionem ante mutationem factam semper haberetur; quin numeris absolutis affirmare parum decet. Quamvis coetu frequenti haemoptysin aliquando occurrentem cernere fuit, in culpa solus neutiquam calor stetit; aliquo enim nocivo inter respirandum rejecto, atmosphaeram ambientem elatere, et aliis dotibus salutiferis, spoliatur; ideoque fibrae arteriarum laxantur, et congestione necessario illata, dein, nisu respirandi violento, aut aëre frigido repente admissio, causam sanguinis eruptionis

tionis subministrant. Quin observatione prorsus haud indigna videtur, ut aër calidus, quamvis improvise adventans, neutiquam nocivos recte edat effectus fluida nostra dilatando, sin contra, omnia mala hinc oriunda, solidis corporum immediate affectis tribuenda sunt.

Quidam, pondus atmosphaerae insigniter imminutum maxime conferre haemoptysin ad excitandum, diu existumabant; caeterum experimenta ab aëronautis nuperrime facta demonstrant, iis quod respirare inter nubila impune conceditur, qui ardore indagationis accensi, animique robore praestantes, regiones excelsas visitare haud pertimescebant.

Qui socordiae vitae sedentariae, et appetitus pravae indulgentiae dediti, morbo proclivitatem multa incommoda secum adferentem suppeditant. Sollicitudo, moestitia, animique pathemata sedantia, sensorii energiam et sanguinis circuitum debilitando, hysteriam et varias adfectiones generis nervosi pariunt; praeterea, tali corporis conditione irritabilitas multum aucta constrictiones spasmodicas prona excitare evadit.

Denique, nifus omnes violenti, collis ascensus, et conatus onera gravia adtollenda, haemorrhagias

rhagias movent. Exhalationes e plumbo, mercurio, aliisque metallorum ingratae, et malo cum eventu pulmonibus offeruntur; atmosphaera nicotianae, et plantarum vaporibus inquinata, quibus principium spiritui nullatenus amicum inest, genus nervosum et fibras musculares prave irritat.

Qui desidria capti cubiculis nimis calefactis, aut venere immodica, indulgent, potestatibus nocivis sese obnoxios reddunt; anne paralyfis in causa haemoptysios unquam reprehendatur?

Quidam, membro amisso, vel etiam adversus frigidum ventum equitantes, haemoptysi correpti referuntur.

RATIO SYMPTOMATUM.

Molestiae angustiaeque in pectore sensus, aequae ac anxietatis, ob sanguinis transitum difficilem per vasa pulmonum, symptomata suboriuntur: Doloris sensationem explicatam volumus a congestione loci propria, et spasmodica affectione illatis; nam constrictio inflammatoria, fluidis

† B impel-

impellentibus resistantiam facit; hinc, fibris muscularibus et nervosis violenter distensis, dolore gravantur aegri.

Capitis gravedo, genarum suffusio, horror universalis, et alia pyrexiae signa, diathesis phlogisticae vehementiam, ac humorum copiam nimiam, clare indicant. Prava conformatio; quam valde lateque patent primogenita feminia, parentibus ad nepotes dona funesta transmissa, comprobantur observantia quorundam morborum, inter quos scrophula, podagra, ac epilepsia conspicuae sunt; hicce vir vigoris praestans virtute occurrere morbis diu viget, dum iste a tenera aetate languens, ob constitutionem haereditariam vitam miseram degit, aut instante debilitate fato succumbit; igitur jure concludamus, pravam conformationem pectore insitam, pulmones muneribus respirandi impares efficiendo, haemoptysi, et ejus infaustis sequelis, praedispotionem suppeditare. Vegetos adolescentes praeseneſtute infirmatis adoriuntur haemorrhagiae; quare certum ad vitae stadium haemorrhagiae suas praecipue exercent vires, secundum egregium Cullenum explicatum volumus; nulla enim theoria sibimet famam praestantiorum merito vindicat. Cerebrum prae caeteris partibus suum absolvit incrementum; sub initio vitae sanguinis

sanguinis copia major ad superiora derivatur; sique animum accurate advertamus, patet, ita alma rerum parens instituerat, ut suam quamprimum caput attingeret acmen, at vasa densitate augescunt; tumque ulteriori amplitudini vel distentioni renixus evadit; si vero partium fabrica parum idonea sit, plethora morbida et epistaxis suboriuntur. Quin cerebro evoluto, novam determinationem pubertate incunte observamus; tunc enim aequilibrium pulmones inter et aortae systema occurrit; si vero thoracis prava conformatio adsit, sanguinis distributio inaequalis pectore prae caeteris partibus citius perferentietur.

CAUSA PROXIMA.

Congestio humorum ad pulmones, vasorumque actio plurimum aucta, sanguinis eruptionem explicare optime existimantur; nam, progrediente adaccumulatione, signa pyrexiae ingruunt, ac, nisi congestio dimovetur, sensus resistentiae, et nifus virium medicatricium accedunt; hancce repugnantiam spasmus universalis in superficie excipiens, vasorum actionem stimulat, unde contractio

tractio crebrior, et pro re nata validior subsequitur; si hi conatus sint parum efficaces congestionem ad tollendam, persistente spasmo, vasa anastomosi dilatata, sive ruptura, sanguinem profundunt.

P R O G N O S I S.

Natura corporis humani sub morbo laborantis, adhuc obscuris ita involuta sit, quod omne praesagium summa cum cautela ut proferatur nos oportet. Raro occurrit haemoptysis periculo carens; quum vero causae excitantes et praedisponentes, ut mensium haemorrhoidumve suppressio, magis quam femina, ut aliae potentiae nocivae, pro vitio ponendae sint; sanguinis sputo perfecto, spirandi difficultate, tussi, et molestiae in pectore sensu cessantibus, equidem salutis haud intemerata spes est. E contra, haemorrhagia parvum post intervallum redeunte, ubi labes phthifica*, ex parentibus

* Sauvag. tom. II. pag. 289. Haemoptysi uberiori vires prosteruntur, pallor et macies invadunt, tussis perseverat; et si parentes phthisi fuerint ab anno 18 ad 36. ipse haemoptycus in phthisin delabitur.

tibus prave ducta, tussisque vehemens tubercula innotescunt, inultum pertimescendum est, quod morte sola suos fines absolvet morbus. Plura de praefagio adjicere recusant vires, quin opus sit animi sagacis, et ab experientia edocti, rei tam obscurae effundere lumen.

Methodus Medendi tria amplectitur consilia:
Imo, Causas excitantes tollere, et remotas evi-
tare. A consuetudine vitae inertis indulgentia, liquore spirituoso, cibo animali, et omnibus quae ingesta magis quam excreta augescunt, aegri abstinere; exercitationes violentae, nifus subitanei, et mentis perturbationes vehementes, evitanda sunt; praeterea, quaeque sanguinis circuitum et tonum ventriculi conturbando infirmant, praecavere oportet. Qui socordia obdormiscunt praeter solitum cubiculis nimis calefactis, ut stragulis quam paucis obtegerentur, ac aëre circumambiente temperiem intra quinquaginta quinque et sexaginta gradus quatuor fervante ex usu erit; nec vela circa lecta obtendi, quin omnia, halitus impuri calorisque adaccumulationem efficientia, sedule dimoveri suadeamus. Varios animi affectus inordinatos, aequae ac solitudinem et moestitiam, consortio amicorum et sermone delectabili, in morbo opportu-
 nis

nis compescere, placide tentandum est ; illi enim circuitum inique cum damno percitant, dum hae vim vitalem et potestates corporis gradatim imminuunt.

CONSILIUM SECUNDUM.

Aucto sanguinis impetui occurrere, et fluxum coercere. Ad hocce consilium spectat administratio antiphlogistica, aliaque nimium tonum vasorum efficaciter tollentia ; venaesectio primas tenet ; quum symptomata febrilia instant, et pulsus frequentior, plenior, et fortior, cum dolore et dyspnoea denotant pyrexiae vehementiam, ad sanguinis detractionem statim confugiendum est, ac pleno rivo educere praestat ; ita enim tono et tensione arteriarum sublatis, relaxatio hinc oriunda aegrotum e periculo imminente faulste eripit, magisque ex subitanea detractione, quam ex copia sperare est ; si enim nimia sit, morbo redintegrante, ne iterum repetatur cum fructu obstat ; igitur prudentis est, ad levamen tantum affectionum urgentium effusionem accommodare,

dare, aliter infirmando, vires pulmonum immi-
nutas iri ; tum congestione saepe saepius reduce,
et sanguinis missione iterum celebrata, leuco-
plegmatis aut phthisis formidolosa subsequitur.

Nam haeret lateri lethalis arundo.

Cathartica.—Alvum semper solutam servare
sublevat commode ; cathartica acriora vasa ex-
halantia, et vesiculas mucosas ubique intestino-
rum, stimulant, unde copia humorum abundans
profunditur ; sed tarda est depletio, et exinanitio
ut plurimum serosa ; hinc purgantia fortiora vi
irritante nocent ; at faustiore cum successu lax-
antia mitia administrantur, sales medii, ut tar-
tarum vitriolatum, sal Rupellensis, &c. &c.
Dr Alston, salem Glauberi parva dosi cum
symptomatum insigni levamento praescribit, ac
summis laudibus effert ; et ejus observationes a
Culleno praeclari nominis fangiuntur, quod ut
utile medicamentum in haemoptysi utiliter ad-
hibeatur ; insuper dotes diaphoreticae salium
mediorum, qua fluida ad superficiem eliciunt,
palmam ex caterva fortiorum purgantium longe
lateque praeripiunt : Forfan operae pretium sit
obiter olei ricini, sulphuris florum, et fructus
tamarindorum mentionem facere ; praeterea
enematibus emollientibus alvus duceretur, sin
pertinaciter

pertinaciter constipata sit, ad eadem e salibus neutris deprompta confugiamus; ast medico curae sit, ne ista praescribat quae tussim excitent.

Emetica, quantum humores ad superficiem eliciendo, spasmus tollendo pollent, ob consensum ventriculum inter et vasa extrema, facile colligatur; illius enim actionem percitando, haecce stimulant, et diaphoresin leniter tuteque educunt. Quum crudis ingestis ventriculus gravatur, et sensu ingrato distenditur, emetica, plenam ad usque vomitionem, male concocta aegroto molestiam cientia, per os rejiciunt; emeticorum actione viscera abdominalia agitata secretionem copia uberiori effundunt, sanguinisque circuitu ex aequo accelerato, spasmodicae affectiones ubique corporis relaxantur; ab illis stimulatum, organum in bilis subministrationem fabrica speciali instructum, propriae ejus materiae plus fecernitur, et bronchiorum imis ex recessibus libera excretio humoris mucosi ab emeticorum actione efficaciter promovetur. Haud abs re alienum erit nunc observare, quod obstructions aliis in visceribus vomitionem saepe cedunt; nec non muliebria incommoda a suppressione mensium. Igitur emetica haud immerito commendantur in morbis, pro causa congestionem thoracis agnoscentibus. Quum
apud

apud regium nosocomium Cullenus egregius aegris interfuit, sex aegrotis sub haemoptysi laborantibus ea praescripsit, ad plenam vomitionem optimo cum fructu; ast alteri aegro, qui eadem tentaverat, discrimen suffocationis statim insequi candore sibi proprio fassus est: At medicus animi prudentis secum cogitet mortaliū de diversa natura, et variis mutationibus quas vires subire valeant; caeterum levamentum ex iis saepius non petendum est; nam ex iterata illorum operatione, tono ventriculi debilitato, e necessario ejus nexum imperiumque cum vasis extremis deperdunt; quinam ex vitro antimonii cerato auxilium petere suadent. Exiguæ doses ipecacoanhae vel tartari emetici, ut nauseam cieant, quoniam sanguinem superficiei et diaphoresin eliciunt, commode adhibitae sint.

Epispastica vi antispasmodica, qua diathesin phlogisticam tollunt, et circuitui nimis celerato occurrunt, ab experientia virum clarorum multum comprobantur; in adfectionibus pulmonum inflammatoriis cum singulari efficacia tensionem arteriarum laxant, quandoque venaesectio antea celebrata fuit, vesicatoria, ob potestates stimulant, nunquam pertimescenda sunt. Carolus de Mer-
tins tria exempla enumerat haemoptyseos va-

†

C

‘ lidiissima

lidissimae vesicatoriis sanatae ; cujus verba sunt :

‘ Virgo viginti et duos annos nata haemoptysi
 ‘ correpta, cochleare integrum, et quandoque
 ‘ plus, sanguinis floridi saepissime prima die
 ‘ exspuit, adeo ut partitis vicibus, nycthemeri
 ‘ spatio sex circiter uncias, per os rejecerat ;
 ‘ venae sectionibus tam crebris, et sputo san-
 ‘ guinis copiae adeo debilis facta erat, ut timen-
 ‘ dum esset, ne, protracta haemoptysi, cito ani-
 ‘ mam efflaret, largum emplastrum vesicatorium
 ‘ inter scapulas apponi suadebam ; elapsis qua-
 ‘ tuor horis, emplastri irritationem sentire coepit,
 ‘ et ab hac eadem hora haemoptysis cessavit ;
 ‘ in aliis exemplis curam optatam efficiebant.’

Vid. T. 1. observat. 6. de Mert. pag. 199.

Hinc dilucide patet quanti profutura sint vesica-
 toria, ob nexum corporis varias functiones inter
 et cerebrum, quoniam morbis inflammatoriis
 hujus vis nimis intenditur, spasmus et renixus
 vehementiam fauste compescunt ; sique venae-
 sectione et diluentibus, pro re nata, praecave-
 mus, prout stimuli nocivi nunquam reputanda
 sunt ; satis ampla applicentur parti affectae
 quamprope, iterum iterumque largiora admo-
 veantur, symptomatum graviorum usque ad le-
 vamen ; talibus enim auxiliis, conditionem hae-
 morrhagicam

morrhagicam debellatam iri, sperandum est: Oleo vesicatoria inungantur, five tenui linteo interposito, aliter quum sublata, dilaceratione aeger misere torquetur, et aër ad superficiem latiore admissus inflammationem excitans, inter sanandum tempus diuturnum inepte consumitur.

Refrigerantium inter copiam, sales medii et acida praecipue in usum vocantur; circuitui nimis accelerato, alvoque constipatae occurrunt, et perspirationem mitem excitant. Nitri fama spectata, aliis longe eminet; quin, si forte tussim moveat, ad similia e vitriolico, vegetabili vel acido marino, alcalinis conjunctis decurramus.

Acida commode adhibita magnopere profunt; vitriolicum eximiis maetum dotibus adhuc famam praestantiorum sibi vindicat; ast verisimile marinum fit nulli secundum; succus limonum nec non pomi vulgaris commemoratu haud indignus videtur. Aquae frigidae potiones Hoffmannus plurimum commendat; at, corpore aestuante, haud usurpatae forent, ne cujusdam visceris inflammatio subsequatur.

Astringentia interne adhibita haemorrhagiae vehementiam saepe sublevant. E regno vegetabili, gum kino, larga dose sumpto, vel injecto,
uteri

uteri fluxus immodicus faulſte ſubſtiterat, atteſtante Dr Young. Cortex Peruvianus tonicis doctibus dyſpnoeam auget ; omni enim vigorem corporis vimque nervoſam percitanti, niſi perſpiratione ex aequo promota, nocet. Quidam cogitant pulverem ſtypticum in uſum, fructu cum deſiderato, ſaepe vocari. Quin alumen cum fiducia adminiſtretur, utpote efficax, tutum, ſemperque remedium innoxium.

Adſtringentia foſſilia, uti chalybeata, propoſito noſtro, diatheſin phlogiſtica nimis augendo, improſpere respondent. Praeparata e plumbo, ob poteſtates nocivas, niſi anodyno conjuncto, caute adhibere oportet ; talis vero auxilii, copia modica uſurpati, fautores non deſunt. Caeteris adſtringentibus externis aqua gelida longe praeſtat ; et, perſtante haemorrhagia, lintea madefacta in aqua frigidiffima, qua ſal medius aut alumen ſolvitur, ut poplitibus applicentur commendamus ; et prius e novo redintegrare curae ſit, quam calefacta evadunt ; quandoque enim adjumenta ſecum adferunt optima. Nec frigidae lavationis eximias virtutes ſilentio praeteribo, quamvis adhuc non ſatis exploratas. Nunc inter eruditos controverſia acris de effectibus ejus varie movetur ; ſed, litibus omiſſis, vis ſedativae
cum

cum adstringente conjunctae frigus potiri afferre fas est ; quoniamque in variolis, febris synocha faeviente, motus corporis conturbatos intense frigescens, et diu adhibitus aër externus compescere observatur, spes non absurda foret, quod aliquo sub haemorrhagia validissima laborante, in balneo frigido, per tempora debita immerso, donec vasorum immodica actio subacta esset, sanitate optima fruendi hinc evaderet. Sauvagesius de haemorrhagia plethorica sic scribit, cujus verba sunt : ‘ Adolescentem novi, qui
‘ aestate ob insolationem haemorrhagia correptus, se demisit in flumen, et haemorrhagiam
‘ illico sanavit.’ Fatendum est, de haemorrhagia passiva hic loquitur ; at, ni fallor, signa activae aliter rem designant. En verba ejus : ‘ Hanc praecedunt capiplenium, stupor, cephalalgia, vertigo, quae sanguine fluente sublevantur ; deinde,
‘ si copiosior sit haemorrhagia, ea venae sectione, refrigerantibus, acidis intus sumptis, extusque applicatis, demum astringentibus superius recensitis, sanatur.’ Praeterea, terrore invadente, haemorrhagia haud raro profligata fuit. Tunc verisimile est immersionis concussu balneum gelidissimum eisdem praestaret effectus, quin, donec pluribus experimentis haud indubiis confirmatur,

tur, theoriae ex toto assentire juvenem parum decet; aſt Indagine accurata et Tentatione fideliores admodum digna videtur.

Opium effectus decantatos quomodo narrabo?
Vis ſtimulantis aequae ac antipſmodicae opium potiri multi credunt; hinc conſtrictiones ſpaſmodicas ſolvit, cutisque excretiones fauſte promovet; ſive vero principio narcotico recte, ſive excitanti, corporis vires renitentes indirecſte iri debellatas, adhuc inter claros acriter certatum eſt. Caeterum, modica quantitate ſumpta, uti vinum aut liquor ſpirituofus exhilarat; majore vero copia, tonum ventriculi uſque ad vomitionem infirmit. In Hyſteria, Chorea, ac variis adfectionibus ſpaſmodicis, ubi ex imminuta cerebri energia poteſtates nervosae, quibuſdam in functionibus, munera ſua ad explenda imbecilliter ſolicitantur, Opium fortiter excitando ſummum auxilium ſecum adfert. Vigilanti ſomnum, metuenti Fiduciam, ac dolore cruciatis Requiem conciliat; triſtes curarum oblivifci ſuaviter edocet, laboribus deſeſſos, vires reficendo, novos ad ſuſtinendos labores pares reddit. Quum diatheſis phlogiſtica tollitur, quietem parit, atque, diaphoreſi promota, morbi redditui occurrit.

CONSI-

CONSILIUM TERTIUM.

*Determinationi versus Pulmones obviam ire, ac fluida ad superficiem elicere ; imprimis, variis exercitiis ; Equitatio**, si modica, perspirationem universalem excitando, plethoram et ejus malas sequelas, optime praevenit; insuper, animo inter equitandum exhilarato, moestitia et sollicitudo depelluntur. Navigationem magnopere ejus commendant fautores, quippe diaphoresin mitem aequabilemque promovet, ac verisimile est, nauseam inferendo, tales praestat effectus. Ab Antiquis multum laudata ‘ fuit navigatio, ad ‘ Ægypti regiones transibant, coelum non causa ‘ mutandi, sed longinquitatem propter navigationis,’ (narrat Plinius). Quum frigus intensum exercitationibus sub dio parum amicum evadit, ad gestationem rhedae decurramus ; sin haec nostro proposito non bene respondent, ineunte hyeme, aeger calidas regiones coelo temperato felices peteret, donec circuitus in aequilibrium resti-

* Sydenhamus ac Baglivius Equitationis insignes sunt fautores.

restituatur ; quin vitae ante pubertatem in consuetudine sequenti fiduciam poneremus ; ubi enim prava thoracis conformatio sese manifestat , balneo frigido, ac exercitiis omnis generis debilitati pulmonum congenitae, occurrere studeamus ; quoniamque in constitutione scrophulosa morbum tam saepe aspicere est, tonum solidarum partium adauge ndo, naturae deficienti remedium subsidio succurramus. Indusio laneo corpus obtegere, ac extremitates calidas servare, semper curae fit.

F I N I S.

E R R A T A.

Pag. 5. lin. 5. *pro* suppressae *lege* suppressi.

16. 23. *pro* vomitionem *lege* vomitioni.

20. 11. *pro* phlogistica *lege* phlogisticam

4. 19. *pro* haemoptysi *lege* haematemesi.